

四庫全書

經部

欽定四庫全書

皇言定聲錄卷六

翰林院檢討毛奇齡撰

諸調第六

六十律

後漢志京房推六十律以十二律循環相生至仲

呂之後當再生黃鐘但以三分損益之法例之祇得  
八寸七分有奇不成黃鐘正聲因妄為立名曰仲呂  
生執始執始生去滅推而盡之凡四周共四十八名

至南授生分爲分爲至南事而後已合之本律凡五  
周共六十律其止于六十律者以五聲乘十二律去  
二變不用共得六十數如焦氏卦氣六十四數去四  
數不用共得六十正相仿也

京房術原出于焦氏延壽

但揣其推

廣之意徒以南呂之生黃鐘與黃鐘九寸之數稍有  
不同故究竟推之而別爲立名殊不知立名何難其  
循環相生而推之無已將安用之以爲聲有六十則  
清遍訪東西南北之人取其聲之最上而最殺與極

下而極胡者使之嗶吡叫哨分呵利呬以按之有六十聲否以為調有六十則每調十二聲至六十調當得七百廿聲天下有七百廿聲之人與七百廿聲之鐘磬與七百廿聲之瑟琴簫篪塤管箛笛否然且其所推之數毫絲杪忽或棄或增其畸贏贅虧多少不合何苦為此

若其推六十律法以十二律配十二辰皆以子始以己止子生未未生寅寅生酉酉生辰辰生亥亥生午

午生丑丑生申申生卯卯生戌戌生己

即隔八相生之法如

是四周獨第五周内自子未寅酉辰亥六辰相生如  
舊後至亥又生未未又生寅寅又生酉酉又生辰辰  
又生亥亥乃生午是林鐘太簇南呂姑洗應鐘五律  
每律凡六周黃鐘蕤賓二律每律凡五周至大呂夷  
則夾鐘無射中呂五律則每律凡四周而止其多寡  
不齊周行闕失私智穿合彷彿傳會俱無是處其後  
何承天劉焯矯矯之病增林鐘以下十一律之分使

中呂反生黃鐘仍得十七萬七千一百四十七數則  
循環相生庶幾可通然于三分損益原例皆棄置不  
顧而短長任意多寡無準總由不識天地定數徒名  
為補救而仍逞臆說彼伸此詘左揉右拗求樂之不  
亡不得矣

乃當時又作六十律準其準之形如瑟然長丈而十  
三絃隱間九尺以應黃鐘之律九寸中央一絃下畫  
分寸以為六十律清濁之節乃創說云竹聲不可以

立度必以絲準之謂之準原其意蓋以竹聲為天地自然之音每調九聲不能多一聲而絲則隨意分劃可多可少以廿四絃分割之則六十有餘不問其聲之重複音之疊犯清聲正聲無所分別奸聲犯聲無所顧忌故可準也乃其準雖設備而不用往往聽之者謂分數不明緩急難辨則即在當身有不能施諸實用者况繼此乎

其後肅宗元和初待詔候鐘律殷彤上言官無曉六

十律以準調音者故待詔嚴崇具以準法教子男宣  
宣通習願召宣補學官主調樂器詔從之太史丞試  
十二律其中其四不中且曰不知何律宣遂罷自  
此律家莫能用準至靈帝初猶欲行其說而卒不可  
行

至六代陳仲孺從江左歸魏自言能作六十律準乃  
自中呂以後執始去減仍不能製律尚書蕭寶夤奏  
其不合罷之



宋蔡元定律呂新書作六十律圖無註變半倍半于其間明尚書韓邦奇鋪張其法欲遞用之園丘方澤太廟社稷諸祀與咸池雲門諸樂一奏再奏一變再變左旋右旋東轉西轉遍註黃鐘鐘黃鐘磬黃鐘工尺以為極備而當時世宗迂濶好復古禮樂然日陳其說無一可通乃自行所著名為律呂新書直解世鮮顧者

三百律三百六十律或云京房六十律之法本于小黃令焦延壽

而漢元識音律嘗遣韋元成就房考論然樂卒不興

至宋元嘉中太史錢樂之又從京房六十律推廣至

三百律皆襲房餘說而究極之且又旁勦淮南子三

百六十律之文

淮南子云一律而生五音十二律而為六十音因而六之有三百六十音

以當一歲之日歷度之數

并梁博士沈重鐘律議中語

鐘律議曰易以三百

六十策當暮之日此律歷之數也

遂引而伸之至三百六十律逮趙

宋徽宗時方士魏漢津又祖其說以十二律統一歲

以一律統一月以六宮六商六角六徵六羽五六重

數統三十日各七十二合之得三百六十律然亦未製律旋罷

一百四十四律  
二百一十六律  
六代論律有以十二宮各周十二律凡

一百四十四律應坤之策與均二九十八聲凡二百一十六律應乾之策比合坤乾二策為三百六十律者若萬寶常創八十四調一百四十四律變化終于一千八聲則專以七律周十二宮以十二宮周十二律而不及其他此第舉坤策而去乾策遵梁沈重說

而又小變者

八十調四調隋唐間多以七律周十二宮為八十四調鄭譯萬

寶常張文收輩皆主其說至周世宗時樞密使王朴  
謂十二律旋迭為均均有七調合八十四調宋真宗  
朝樂人猶仍其說而不能用凡篳篥笙和笙每變一調  
必換他器以接之時樂工單仲辛自言能唱八十四  
調而全無上下并鮮清濁隨口散唱以為能事後校  
書郎房庶又以五正二變配五行衍之成八十四調

總是以干枝節候易象歷象隨意配合其于聲音之事則全無曉者

四十八調  
四十九調

乃又有為四十八調四十九調者舊以七聲

乘十二律得八十四調自子黃鐘至亥應鐘十二宮各具七聲而宮調備焉後人以宮商角羽之四聲乘十二律而去徵調與二變調得四十八調自隋唐以後多用之然又有不去徵聲以七聲乘七調得四十九調者太簇與大呂同字譜

宮聲同四字商聲同乙字角聲同上句徵聲同

工字羽聲  
同凡字

姑洗與夾鐘同字譜

宮聲同乙字商聲同  
上勾徵聲同凡字惟

角羽二聲有尺  
工五六之異

南呂與夷則同字譜

宮聲同工字商  
聲同凡字徵聲

同一字羽聲同上勾  
惟角聲有五六之異

則十二律已複三律矣又黃鐘

均內以蕤賓為變徵應鐘為變宮二律不用則又去

二律合所複三律與所去二律共得三十五律皆以

中管名之

王建霓裳詞有中  
管五絃初半曲句

中管云者謂其聲在前

後二律之間而與前律同出一孔以之製調則音韻

重複故不用也然則十二宮除此外七宮而已以七

宮乘七聲為四十九調但其所云七調之複祇記五  
調而其所複者又以大呂與太簇相比姑洗與夾鐘  
相比南呂與夷則相比竝無他也然則十二律祇六  
律可也何必多其名且何以林鐘與蕤賓應鐘與無  
射其相比與諸律等無中管也其紕陋難揜槩可見  
耳

二十四調唐宋後樂府自詩餘分黃鐘宮黃鐘商類以至金

元曲子所云九宮十三調者皆本于二十四調二十

四調者以四十八調之減而為二十八宮調去太簇

姑洗蕤賓南呂應鐘五律為中管又將二十八宮調

減而為二十四宮調去大呂一律為高字也中管義見前高

字即清聲也按譜黃鐘宮曰正宮羽曰正宮調

商曰大石調角曰大石角調大呂同黃鐘加高

字太簇同大呂加中管字夾鐘宮曰中呂

宮羽曰中呂調商曰雙調角曰雙角調姑洗同

夾鐘加中管字仲呂宮曰道宮羽曰道調商曰

小石調角曰小石角調蕤賓同仲呂加中管字

林鐘宮曰南呂宮羽曰南呂調商曰歇指調角

曰歇指角調夷則宮曰仙呂宮羽曰仙呂調商

曰商調角曰商角調南呂同夷則加中管字

無射宮曰黃鐘宮羽曰黃鐘調商曰越調角曰越



角調 應鐘 同  
無射 加中管字

夫其併十二律為六律減五聲為

四聲亦無不可然何以黃鐘一律得并大呂太簇二  
律而林鐘獨無所併且何以夾鐘仲呂以陰併陽夷  
則無射又以陽併陰也若四調之名本隸夾鐘而反  
稱中呂本隸林鐘而反稱南呂本隸夷則而反稱黃  
鐘非貿亂何矣

皇言定聲錄卷六

欽定四庫全書

經部

皇言定聲錄卷七

詳校官閣學管理樂部臣鄭葵

洗馬臣王坦修覆勘

總校官進士臣朱鈐

校對官主事臣陳文樞

膳錄監生臣桑英

欽定四庫全書

皇言定聲錄卷七

翰林院檢討毛奇齡撰

諸法第七

黃鐘之實

樂之亡亡于備數

劉歆疏一曰備數

而備數之害莫甚于

史漢之論黃鐘之實彼以備數狡獪為欺人之伎而  
儒者驚怪以為神術故凡論樂者開卷環環無非皆  
八八三九諸法使觀者咋舌以為莫及遂聽其糾紛

而不之顧而樂于以亡夫操觚握算本無難事而空  
圍面纂叅錯莫定

聖諭所謂或不必辨或辨之而無益于用此真

神聖獨闢之言可永遵之為萬世法者彼夫徑一圍三  
定管之術樂書開卷所聚訟而莫可釋者一經

皇上指破則備數諸術已無可辨

律管空圍舊有徑三分圓九分之說後儒

疑管太隘因實算之謂徑三分四釐六毫圍十分三釐八毫然仍是三倍今以一尺之徑有圍餘三尺一寸四分強則即此推之徑三分四釐六毫當實得圍十分八釐有奇與舊時圓田開方之術俱不合今

第從黃鐘之實而略析其概彼以十二律配十二辰  
謂子寅辰午申戌六陽辰為黃鐘寸分釐毫絲之數  
丑卯巳未酉亥六陰辰為黃鐘寸分釐毫絲之法此  
其說自漢魏至今未有易也且謂六陽辰以九乘數  
六陰辰以三乘數雖工律率者未有異也乃以今推  
之而不盡然者夫十二辰概以子丑為數法而自寅  
至亥順而推之為黃鐘寸分釐毫絲所得之數自亥  
至寅逆而推之為黃鐘寸分釐毫絲所實之數以為

數則陰辰與陽辰皆數也以為法則陰辰與陽辰皆  
法也以為三則陰陽俱三以為九則陰陽俱九大抵  
比而乘之則用三隔一而乘之則用九順則分之逆  
則積之以寅為管數以亥為管之所實之數而一順  
一逆變化生焉用此為法覺從來偏窒畸而難明反  
不如此之廣通而易了者此真天地之定數而非有  
強也然且以此定聲則仍無所濟故曰備數者亡樂  
之具也今請舉黃鐘之實而略指其與舊互異者如

左

子一

黃鐘之律  
曰黃鐘起數  
今

丑三

為絲法  
以絲數起管數  
今日

寅九

為寸數  
以管數起絲數  
今日

卯二十七

為毫法  
以絲數起管數  
今日

辰八十一

為分數  
以管數起絲數  
今日

巳二百四十三

為釐法  
以絲數起管數  
今日

午七百二十九

為釐數  
以管數起絲數  
今日

未二千一百八十七

為分法起管數  
今日

申六千五百六十一

為毫數起絲數  
今日

酉一萬九千六百八十三

為寸法起管數  
今日

戌五萬九千四十九

為絲數起絲數  
今日

亥一十七萬七千一百四十七

黃鐘之實  
今日

子一

黃鐘之律  
此黃鐘之起數也  
推黃鐘之數  
始于一管推一管之數  
始于一絲則管一絲

亦一管者數之成絲者數之始  
管以順而分絲以逆而積也

丑三

為絲數  
此以絲數起寸數也  
黃鐘一管數  
起于絲故管則祇一而絲實其中以空圍而



籌計之每一絲有三絲則必合三絲以成一絲  
以起一管之數蓋三其一則為三三其三則為  
九絲從三始管從九終三與九皆相乘  
之法故繼以寅九曰以絲數起管數

寅

九為寸數此以寸數起毫數也管以九為數  
絲亦以九為數蓋九絲為毫九寸為管順則

為寸逆則為絲管以九寸終寸以九絲始也此  
寅九為管之數又以九三二十七為九絲起一  
毫之數曰以  
管數起絲數

卯二十七

為毫法此一毫之數也比以三為法  
比寅九則三九二十七為九寸所起之

數隔以九為法隔丑三則九三二十七為九絲  
所成之數蓋九絲成一毫也乃因而乘卯則亦  
以三為法三其二十七為八十一隔而乘寅則  
亦以九為法九其九亦為八十一故繼之辰八

十一曰以絲  
數起管數

辰八十一

為分數 此以分數起釐數也順則為

有九九八十一分為毫蓋九分為寸分其九寸則  
二十七為二百四十三起九毫成一釐之數曰  
以管數  
起絲數

巳二百四十三

為釐法 此一釐之數也比辰八

三得辰分所起之數隔卯二十七則九其二十  
七亦為二百四十三得卯毫所成之數蓋九毫  
成一釐也乃因而乘巳則三其二百四十三為  
七百二十九乘辰則九其八十一亦為七百二  
十九故繼之午七百二  
十九曰以絲數起管數

午七百二十九

為釐數

此以釐數起分數也順

一釐之數蓋九釐為分其八十一分則九其  
八十一為七百二十九釐得九寸中全釐之數

又以九其二百四十三為二千一百八十  
七起九釐成一分之數曰以管數起絲數

未二千一百八十七

為分法

此一分之數也此

二十九為二千一百八十七得午釐所起之數  
隔已二百四十三則九其二百四十三亦為二

千一百八十七得已釐所成之數蓋九釐成一  
分也乃因而乘未則三其二千一百八十七為

六千五百六十一乘午則九其七百二十九亦  
為六千五百六十一故繼之申六千五百六十

一曰以絲  
數起管數

申六千五百六十一

為毫數此以毫數起寸數也順則為毫逆則為分蓋九

毫為釐分其七百二十九釐則九其七百二十九當有六千五百六十一毫為九寸中全毫之數又以九其二千一百八十七得一萬九千六百八十三為九分成一寸之數曰以管數起絲數

酉一萬九千六百八十三

為寸法此一寸之數也比申則三其六千五

百六十一為一萬九千六百八十三得申毫所起之數隔未則九其二千一百八十七亦為一萬九千六百八十三得未分所成之數蓋九分成一寸也乃因而乘酉則三其一萬九千六百八十三為五萬九千四十九隔申則九其六千五百六十一亦為五萬九千四十九故繼之戌

五萬九千四十九  
曰以絲數起管數

戌五萬九千四十九

為絲數 此以管數起絲管  
全數也 順以絲終逆以寸始

蓋九絲為毫分其六千五百六十一毫則九其  
六千五百六十一當有五萬九千四十九為九  
寸中全絲之數又以九其一萬九千六百八十  
三得十七萬七千一百四十七曰以管數起絲  
管全  
數

亥一十七萬七千一百四十七

黃鐘之實 此全  
管全絲之數也 此

戌則三其五萬九千四十九絲當有一十七萬  
七千一百四十七絲為九寸中空圓面累每分  
加三之全數比酉則九其一萬九千六百八十  
三絲之一寸得一十七萬七千一百四十七絲

之九寸而為一管之全數此黃鐘之數始  
于子而訖于亥陰陽順逆從此其全也

子一

黃鐘之律  
今日數始

丑三

為絲法  
今日絲分

寅九

為寸數  
今日寸積

卯二十七

為毫法  
今日毫分

辰八十一

為分數  
今日分積

巳二百四十三

為釐法  
今日釐分

午九百二十九

為釐數  
今日釐積

未二千一百八十七

為分法  
今日分分

申六千五百六十一

為毫數  
今日毫積

酉一萬九千六百八十三

為寸法  
今日寸分

戌五萬九千四十九

為絲數  
今日絲積

亥一十七萬七千一百四十七

黃鐘之實  
今日數終

此陰陽對待分積相峙之數也律成于積而起于分  
故陽以積而順行陰以分而逆轉順以積漸多陰以  
分就寡若其三九之數則陰陽均之連則用三陽則  
用九陽之禪陰陰之禪陽皆用三陽之禪陽陰之禪  
陰皆用九此數之一定者也然而無  
與于聲也所謂雖辨明而亦無用者

聖人之言也

子一

黃鐘之數  
始于此

亥一十七萬七千一百四十七

黃鐘之數  
終于此

丑三

此絲分也三為一絲三分其亥之一十七萬七千一百四十七為戌五萬九千四十九之

絲數

戌五萬九千四十九

此絲積也三為一絲則積五萬九千四十九個三而合乎

亥一十七萬七千一

百四十七之全數

寅九

此寸分也一管九寸則九分其亥之一十七萬七千一百四十七為酉一萬九千六百八



十三之  
寸數

酉一萬九千六百八十三

此寸積也一管九寸則積一萬九千六百八十

三個九而合乎亥一十七萬  
七千一百四十七之全數

卯二十七

此毫分也三九二十七絲為一毫則二十七分其亥之一十七萬七千一百四

十七為申六千五  
百六十一之毫數

申六千五百六十一

此毫積也二十七為一毫則積六千五百六十一個二十

七而合乎亥一十七萬七  
千一百四十七之全數

辰八十一

此分分也每寸九分則九寸當八十一分乃八十一分其亥之一十七萬七千

一百四十七為未二千  
一百八十七之分數

未二千一百八十七

此分積也九寸當八十一分  
則積二千一百八十七個八

十一而合乎亥一十七萬  
七千一百四十七之分數

已二百四十三

此釐分也九毫合二百四十三絲  
為一釐則二百四十三分其亥之

一十七萬七千一百四十三  
為午七百二十九之釐數

午七百二十九

此釐積也二百四十三絲為一釐  
則積七百二十九個二百四十三

而合乎亥一十七萬七  
千一百四十七之全數

此新註律數捷法也時有以黃鐘之實相質者因指  
示之而并別推諸簡捷兩法以明易曉而無所用尚

有黃鐘生十一律法不襲舊註屈指可得者今不載

十二管配數

十二律配五聲母論周禮漢書位置不同即史記五聲配數與十二律相準次第便與十二律隔八相生之次多少不合則何足據矣故六經無律呂之文祇周禮國語稍稍及之而仍不足據况周禮晚出後人原有疑非周初書者其為參錯固無論也惟以歌聲曲調與器色字譜自相印證庶幾無誤乃舊時十二管與五聲相配之法其見竟山樂錄者約有數

條今舉其韻數分列于後後之知音者可考鑒焉

國語六間

大呂夾鐘中呂林鐘南呂應鐘

周禮六同

大呂應鐘林鐘中呂南呂

夾鐘漢書六呂

大呂夾鐘仲呂林鐘南呂應鐘

一十二律陰陽相間配五聲之數

一十二律陰陽分位配五聲之數

一十二律隔八相生之數

一十二律五聲相生相配之數

一陽律左旋陰律右轉之數

一陰陽相生逆推之數

十二律陰陽相間配十二辰十二月次第之數

子十一月

丑十二月

寅正月

卯二月

辰三月

黃鐘宮

大呂商

太簇角

夾鐘徵

姑洗羽

九寸

下生四寸強

八寸

下生三寸六分強

七寸一分強

上生八寸一分強

上生七寸二分強

巳四月

午五月

未六月

申七月

酉八月

仲呂

以次

蕤賓

林鐘

夷則

南呂

下生三寸二分強

六寸一分強

六寸

五寸四分強

五寸三分強

上生六寸四分強

戌九月

亥十月

無射

應鐘

四寸八分強

四寸六分強

大吕夾鐘照下生之數則角强于商羽强于徵全  
然不合若照上生之數則自九寸至七寸以三寸  
之間周遍五聲無是理矣其餘以次環推無一是  
處他不備舉即以夷則為宮按之未有羽數增于  
徵并增于宮商角而可以定五聲者即環相為宮  
原有以低作高之法然羽之九寸與徵之四寸六  
分相去恰半  
與法不合

# 十二律陰陽分位自為次第之數

陽律

黃鐘宮

太簇商

姑洗角

蕤賓徵

九寸

寸

七寸一分强

六寸一分强

夷則羽

無射

以次環推

五寸四分强

四寸八分强

陰律

大吕宮

夾鐘商

仲吕角

林鐘徵

下生四寸强  
上生八寸一分强

下生三寸六分强  
上生七寸二分强

下生三寸二分强  
上生六寸四分强

六寸

南呂羽

應鐘以次  
環推

五寸三分強

四寸六分強

陽律數以次遞殺似乎相協然以姑洗起宮按之  
便羽倍于徵况姑洗以後耶至陰律則下生之數  
徵羽皆多于宮商角上生之數自仲呂以後益顛  
倒乖舛不可道矣且人聲十六調聲十二未有太  
呂八寸強至南呂五寸強以三寸  
之間定五聲者其為繆戾可知也

# 十二律隔八相生之數

黃鐘

宮下

林鐘

商上

太簇

角下

南呂

徵上

姑洗

羽下

九寸

六寸

八寸

五寸三分強

七寸一分強

應鐘

羽上

蕤賓

下生一  
作上生

大呂

上生一  
作下生

夷則

下生一  
作上生

夾鐘

上生一  
作下生

四寸六分強

六寸一分強

下生四寸強  
上生八寸一分強

五寸四分強

下生三寸六分強  
上生七寸二分強

無射

下生一  
作上生

仲呂

上生

四寸八分強

下生三寸二分強  
上生六寸四分強

皇言定聲錄

十一

角數強于商羽數強于徵以次環推無一合處

# 十二律五聲相生相配之數

黃鐘宮

林鐘上生為商

南呂上生為角

黃鐘下生為徵

太簇下生為羽

太簇商

姑洗角

林鐘徵

南呂羽

九寸

八寸

七寸一分強

六寸

五寸三分強

只此五聲律呂稍合下便推不去矣

大呂宮

夷則上生為商

無射上生為角

大呂下生為徵

夷鐘下生為羽

夷鐘商

仲呂角

夷則徵

無射羽

下生四寸強上生六分強

下生五寸六分強上生四分強

下生五寸四分強上生四分強

五寸四分強

四寸八分強

惟上生稍合下生不合

照以上相生之數環推

蕤賓宮

夷則商

無射角

大呂徵

夷鐘羽

六寸一分強

五寸四分強

四寸八分強

下生四寸強上生六分強

下生五寸六分強上生四分強

下生小不合上生大不合



林鐘宮

南呂商

應鐘角

太簇徵

姑洗羽

奇

五寸三分強

四寸六分強

寸

七寸一分強

俱不合

# 十二律陽律左旋陰律右轉之數

陽律

其左旋與陰陽分位之數同已見前陽律下

陰律

亥十月

酉八月

未六月

巳四月

大呂宮

應鐘商

南呂角

林鐘徵

下生四寸強

四寸六分強

五寸三分強

六寸

上生八寸一分強

卯二月

丑十二月

仲呂羽

夾鐘以次  
環推

下生三寸二分強

下生三寸六分強

上生六寸四分強

上生七寸二分強

下生商數小强于宮角徵數以漸相加羽忽大殺  
世無是理若上生則宮與商相去一倍餘如下生  
仍是  
不合

# 十二律陰陽相生逆推之數

仲呂逆生

夾鐘逆生

大呂逆生

無射逆生

夷則逆生

黃鐘宮

無射商

夷則角

仲呂徵

夾鐘羽

九寸

四寸八分强

五寸四分强

下生三寸二分强

下生三寸六分强

蕤賓逆生

姑洗逆生

太簇逆生

應鐘逆生

南呂逆生

大呂宮

應鐘商

南呂角

蕤賓徵

姑洗羽

下生四寸强

四寸六分强

五寸三分强

六寸一分强

七寸一分强

左一分强

此以陰陽相間列上下層而上層以中呂起下以  
蕤賓起作逆推之法然無一是處凡上生下生俱

不合

旋宮舊十二調八十四聲旋圖

見律呂新書

黃鐘宮

林鐘宮黃鐘徵

太簇宮林鐘徵黃鐘商

南呂宮太簇徵林鐘商黃鐘羽

姑洗宮南呂徵太簇商林鐘羽黃鐘角

應鐘宮姑洗徵南呂商太簇羽林鐘角

黃鐘變宮

蕤賓宮應鐘徵姑洗商南呂羽太簇角

林鐘黃鐘  
變宮變徵

大呂宮蕤賓徵應鐘商姑洗羽南呂角

太簇林鐘  
變宮變徵

夷則宮大呂徵蕤賓商應鐘羽姑洗角

南呂太簇  
變宮變徵

夾鐘宮夷則徵大呂商蕤賓羽應鐘角

姑洗南呂  
變宮變徵

無射宮夾鐘徵夷則商大呂羽蕤賓角

應鐘姑洗  
變宮變徵

中呂宮無射徵夾鐘商夷則羽大呂角

蕤賓應鐘  
變宮變徵

黃鐘變中呂徵無射商夾鐘羽夷則角

大呂蕤賓  
變宮變徵

林鐘變

中呂商無射羽夾鐘角

夷則大呂  
變宮變徵

太簇變

中呂羽無射角

夾鐘夷則  
變宮變徵

南呂變

中呂角

無射夾鐘  
變宮變徵

姑洗變

中呂無射  
變宮變徵

應鐘變

中呂  
變徵

此舊旋宮圖也當時不曉旋宮之法其所講探者皆以相生截竹次第移作旋宮誤不可言據其云十二律八十四聲

以每調七聲十則人無此聲數曲無此

調數器無此字數固已謬矣若其旋法則其上橫者

調也

如黃鐘宮林鐘宮類

下斜者聲也

如黃鐘以林鐘為徵聲則于林鐘宮下註黃鐘

徵以太簇為商聲則于太簇宮下註黃鐘商類

且以斜聲論之彼相生之以

宮生徵以黃鐘生林鐘也謂生法前後如是耳非謂聲之前後相接有如是也若以聲相接前後言之則宮自然繼以商黃鐘自然繼以大呂此如四序然以所生言則天先生水地次生火天三生木地四生金而以時序言之則自然春木之後繼以夏火秋金之後繼以冬水必以所生為之序則春秋亂矣是何也

則以氣之相遞與聲之相接正同秋不可繼春徵不可繼宮也若以調言之黃鐘調畢其背接者應鐘面禪者大呂也近高一調宜用大呂以高作低宜用應鐘而忽以林鐘繼之是以調中之所轉者為轉調之用于調于器未有一合者也若變宮變徵原在宮徵之後即如舊說亦當列宮徵之前與宮徵近今並置調末不知能與上五聲相接否能變接變否且何以不曰變羽角也

總與宮徵不近則隨聲可屬

夫既用旋法當有實

驗非紙上圖畫盤曲便可當旋轉之用或橫或斜徒  
美觀看何益之有

十二律  
分寸

司馬遷律書黃鐘八寸七分一為宮

索隱註七  
字是十字

之誤八寸十分一即八  
十一分也下七字誤同

林鐘五寸七分四為角太簇

七寸七分二為商南呂四寸七分八為徵姑洗六寸

七分四為羽此十二律相生數也第其記五聲相生

之數則其數雖同而宮位不同如林鐘六寸每寸九

分六九五十四正五寸十分四也乃五聲相生曰五



十四以為徵而此曰為角南呂五寸三分五九四十  
五又加三分為四十八正四寸十分八也五聲曰四  
十八以為羽而此曰為徵姑洗七寸一分七九六十  
三又加一分為六十四正六寸十分四也五聲曰六  
十四以為角而此曰為羽五聲十二律自矛盾盾此  
是何故又其所記應鐘大呂二律凡三分一皆三分  
二之訛即所記宮商徵羽皆不甚確而後之為說者  
祇從此探討不能出脫焉得不誤乎

黃鐘九寸或八寸一分相去不遠而呂覽又有三寸三分為黃鐘曰含少之說隋志長孫無忌謂傳稱黃帝命伶倫斲竹長三寸九分而吹之以為黃鐘之宮則其說從來已久故通鑑外紀亦載劉恕稱黃帝造律呂取竹嶰溪之谷斲兩節間長三寸九分至李文利造律呂元聲竟謂黃鐘三寸九分辨舊說九寸之誤於是另作三分損益之說橫分左右以隔八相生為隔八正徵增十二月律為十二協月之筭其說甚

辨然則黃鐘九寸之說已不能定矣且即九寸中而  
遷固二人既已牴牾或以九為法或以十為法而鄭  
康成析絲破忽專用十分至隋劉焯則又每律減三  
分斷以七寸為法天下有明明尺寸而或三或倍或  
七或八或九或十謂可以定絲黍分毫末者乎又其  
相生之次皆定隔八而劉向又謂隔七陰陽相生諸  
史書志皆謂陽下生陰陰上生陽而呂覽淮南子京  
房蔡邕又謂蕤賓上生大呂夷則上生夾鐘至相生

分數鄭氏以大呂夾鍾仲呂三律倍所生分而何承  
天沈約必以新舊法分度參錄之使中呂生黃鐘適  
足當黃鐘九寸之數則九寸十寸上生下生隔七隔  
八或增或損隨地更易原無定準乃欲取漢斛銘羊  
頭山泰錙銖較量亦已惑矣

隔七相生

漢志謂陰陽相生自黃鐘始而左旋八八為伍

從黃

鐘生林鐘為八位從林鐘生太簇為八位

此相生之所以定隔八也惟劉

向謂隔七相生以為隔七律而生似乎不合今細繹

皇言旋聲之法隔八聲而還其始聲則正從七律轉旋  
之覺實有所謂隔七者凡歌聲曲調皆以八旋惟笛  
色字譜小有不同寧府樂錄字譜有云以正生清隔  
七得八以清生正隔八得八如宮生宮清以四生仞  
宮調四為宮乙為變宮上為商尺為角工為徵凡為  
變徵六為羽此七聲也七聲若再周則仍以四起四  
改為仞是高四字名宮清上改為仕是高  
上字名商清推而至于角清徵清皆然則從四而  
起剛歷此七聲之盡而即生高仞字為宮清此隔七  
得八也宮清生變宮以仞生乙

旋調則宮調旋上一  
字為變宮調四為宮

乙為變宮若以宮調生  
變宮調則以仞生乙

則從仞而起必除此七聲之

盡而後生乙字以為變宮此隔八得八也至于變宮  
生變清以乙生乙亦隔七得八變清生商以乙生上  
亦隔八得八推至七調則皆與隔七之說合伶人草  
昧預啓其機雖其說不傳然亦正天使閤之以俟  
神聖之獨斷所謂天輪一明而燭燿俱熄此之謂也

三分損二  
三分得一

史記五聲生數與漢志十二律生數皆以三

分去一三分益一為法

如黃鐘九寸下生三分其九  
寸而去一分得林鐘六寸林

鐘上生三分其六寸而益一分為太簇八寸類若律書生術又有下生倍實

上生四實而三其法者

如黃鐘九寸下生則倍九寸為一十八寸三分之則為六

寸而得林鐘林鐘六寸上生則四其六寸為二十四寸三分之為八寸而得太簇類即以黃鐘

言之既倍九寸為十八而又分十八而得其六

三六十八

是三分十八而損其二也即以太簇言之既四六寸

為廿四而又分廿四而得其八

三八廿四

是三分廿四而

損其二也及觀後漢志又曰陽生陰倍之陰生陽四

之皆三而一其曰倍與四與律書同而曰三而一是

以三為法而得其一也以損言則二以得言則一朝  
三暮四展轉巧值總與樂律無與耳

黃鐘尺

書曰律度量衡劉歆五事二曰和聲三曰審度律

與度雖同出一原然究是兩事故五官分掌則太史

掌數

漢名義和即太史令也

太樂掌樂

一名太常

至于權量衡則各

有專司

廷尉掌度司農掌量鴻臚掌權

未聞闌入樂官也今造樂書

者動言算數夸論鐘尺如律呂新書其于度量衡卷

詳校歷代之尺分長別短此不過通考一類載耳何



濟于事章蒙

皇上指示謂歷代尺度不齊以之定管不足為據此真  
體驗精切洞析利病而後發為此言者因恭承

聖訓細為推繹毋論周尺漢尺銅侖銅斛自魏晉以還  
降及趙宋中間若梁之表景隋之水尺汲冢之玉律  
後魏之元延明尺五代之王朴律準尺凡史志所載  
代有不同而即以累代所尚晉前尺校之當時荀勗  
奉詔考定律尺依周禮製法其法與劉歆祖沖之銅

尺相表裏曾以古物七品勘其分數若所云一姑洗  
玉律二小呂玉律三西京銅望臬四金錯望臬五銅  
斛六古錢七建武銅尺其于考索之詳絜量之細可

謂極至及其製成而名之為晉前尺又名公曾尺

公曾

最字以最所造也乃較之者謂最尺過短梁尺加七釐

漢官尺加三分三釐杜夔尺加四分蔡邕銅龠尺且  
加至一寸五分八釐則在最尺固不合而其餘諸尺  
何以悉參差若是即在趙宋初亦嘗詔詞臣詳定律

尺謂王朴律尺比漢錢尺較長而和峴景表尺胡瑗  
鄧保信及李照所用太府等布帛尺則長之又長夫  
自五代至宋其妄稱能定樂者祇此數人此數人操  
觚握算其能事亦應不相遠乃何以祇此尺度間爭  
毫競末動致尤訛然則究何依據馬端臨嘗曰樂自  
有神解專求累黍與周黼漢斛魏尺之屬毋異刻丹  
而求劍也况黃鐘之尺尤屬無理夫黃鐘中聲也中  
聲無定稍高即有高宮高黃鐘聲稍低即有低宮低

黃鐘聲皆中聲也原無執一聲以為此黃鐘此宮聲  
此中聲者今人于宮聲于中聲茫然不解而乃欲為  
中聲造一尺亦何必然

竟山樂錄曰論樂不及尺製樂當有尺必欲製樂將  
安取準曰祇以今尺度之母論官尺民尺長則均長  
短則均短而準在是焉蓋鐘石大小原無限度方響  
雲鉦祇取齊一試觀製琴笛者其穴刊暉節排列均  
等任其自然之度數一如

聖諭所云天地之定數者初未嘗範之古尺按之官度也材長則暉穴俱長材短則暉穴俱短然而短簫長笛椅桐漆梓皆可倚曲由是觀之其尺度不拘公然可知故曰尺度非樂中事也

縱黍橫黍實黍

累黍之法言人人殊即宋有三變焉按漢志黃

鐘之長以子穀秬黍中者一黍之廣度之九十分為

九寸蓋一為一分

一黍之長一分

十分為寸

十黍之長十分是九十黍之長

為九寸其十分為九寸然未審其黍之廣所為縱橫寸矣

者若何也乃其法則管外之長累九十黍管中之實可容一千二百黍而宋李照以縱黍累管寸并空徑

三分

每管空徑三分圓九分說見前

則一管可容一千七百黍為有

餘胡瑗以橫黍累管寸并空徑三分則一管祇可容千黍為不足于是調停其間增徑三分為三分四釐六毫則圍空與中郭俱增分數而黍可實焉及宋祁薦益州進士房庶詣闕上書改漢志舊文謂今本漢書一黍之廣其之字下廣字上脫起積一千二百黍

之八字故致誤解古以黍累尺未聞以黍累管製管之法第實一千二百黍于管中以容滿為度而截之以為寸法且為空圍之法其云一為一分者蓋九十之一非一黍也于是盡棄縱黍橫黍之說而改為實黍當時范鎮司馬光輩皆各有左右各為是非而以之定樂則主客無一是者

氣候

氣候之說與樂無涉且其能候與否亦未可知若其法則詳于後漢志中凡立說者皆祖之兩漢無候氣

者魏代杜夔始造管候氣而灰皆不飛至後齊神武  
霸府田曹叅軍信都芳云候氣有驗相傳能以輪扇  
二十四埋地中測二十四氣每一氣至則一扇自動

此輪扇不知是何律尺所造且製管  
專為候氣若輪扇可用何必製管

至隋開皇年遣

毛爽及于普明等候氣依古法築三重密室造木案  
十二以安管卑內高外每管實葭灰覆緹隨十二辰  
嚮而埋于土中與地相平及候至有應不應即應有  
多寡早晚或初入月或遲至下旬帝疑其為說遂罷



時文帝以問牛弘弘曰灰半出為和氣其政平全出為猛氣其臣縱不出為衰氣其君暴文帝曰臣縱君暴豈日別而月異也弘不能對其後元泰定間太史院使齊履謙請

立候氣之法是時得古黑石管長一尺八寸外方而內為圓空空中有隔隔中作小竅以通之隔上九寸

其空均直約徑三分以應黃鐘之數隔下九寸其空

自小竅迤邐殺至管底約徑二寸餘

下廣上細其管之中郭面幕與

累黍實黍之法又屬何等

蓋以聚其氣而上之古所謂玉律是也

然其製則從來論律家所未有者時亦不能用而寢

三等歌

圖書編分三等律歌法有云天下之聲音變化何

限乃其要祇九聲耳

又樂徽云古有九夏九歌周大司徒有九德之歌九磬之舞以

九為數者即九聲之始也故楚詞又有九歌九章九辨九嘆諸名

今以九三分之釐

為三等自黃鐘至姑洗為一等以樂記歌法下如隊

統之自南呂至清黃鐘為一等以上如抗統之若仲

呂若林鐘則統之以已漸二字所云已漸者為抗已

則漸隊隊已則漸抗也夫十二律而以九聲當之此

開天之識惜其說不甚著耳若其配律三等不無太

鑿且驟高驟下謂之抗隊若以已漸懸之則高不見  
抗下不見隊矣此說非是

歌曲  
七法

舊謂樂記上如抗如手舉物為一法下如隊如物  
之墜下隨其淺深而無所留滯為一法曲如折謂轉  
之宛浹而分明也為一法止如槁木聲所止處如槁  
木之不搖也為一法倨中矩歌之轉折者欲其方也  
為一法勾中鉤又欲其圓也為一法累累乎端如貫  
珠累累不斷絕以依其永也為一法夫以舉世不識

聲之時尋求歌法可謂獨得但尚有未盡者先臣嘗  
曰上下易明獨曲折與中鈎似乎複出不知曲折者  
合句矩而言也若句矩之分則笛色譜中四六四上  
為句四六上為矩六工六四為句六工四為矩以轉  
圓為句見廉為矩也至于止音則竝非歌絕之謂凡  
上字入字俱須字聲絕而歌聲起如四六一絕起上  
字為上四字一絕起上字為入類至若貫珠則不解  
自明惟宋沈存中闡貫珠之義謂古之歌法有云聲

中無字字中有聲所謂聲中無字者謂凡歌須使字  
字融入聲內令字轉換處無磊塊扞拊古人謂之如  
貫珠今人謂之善過度是也所謂字中有聲者如宮  
聲字而歌曲之調合用商聲則能轉宮為商歌之善  
歌者謂之內裏聲俗謂之吞吐恬靜不善歌者謂之  
唸聲俗謂之叫曲謂之不含韞是也殊不知貫珠但  
擬其聲之起伏挫折絡索不間斷耳徒以含韞融洽  
當之固已非是至古歌法所傳原謂聲中有字非聲

中無字也惟曼聲之中皆有字音存乎其間如胡音  
為烏尤音為瓠遙音為均微音為衣類字中有聲謂  
出字與繹字又有字聲如陰字從上下陽字從下上  
平去字連字得聲上入字斷字得聲類若云聲中無  
字則餽混甚矣况貫珠之義原非辨宮商之訛即辨  
宮商亦從無以字聲與歌聲兩相轆牽作五聲者雖  
宮字而入商調即為商聲雖商字而入宮調即為宮  
聲且宮商清濁何從分別不過以層次分之豈有歌

是宮次而依違攬挽入商次者乃云合用商聲則轉  
宮為商此仍是依樣葫蘆之說非歌法也

一字分四  
時歌法

宋有一字分四時歌法啓口如春謂甲圻也

縱口如夏謂恢台也收口如秋謂棼斂也合口如冬  
謂闔藏也南渡後儒者言歌法必本此第其言不知  
所始且一聲四變太無統紀從來一字有三判謂字  
首字面字尾也歌有本字字有本音字音起訖此是  
本等本等未周何暇他及况一字一合則于闔脣羽

部俱紊亂矣五聲宮商角徵羽即喉齶舌齒唇也凡

字反喉入鼻者為宮音

如今韻東冬江陽庚青蒸七部字每讀字訖皆反喉而入

于鼻謂之宮音若他部則皆不能反喉鼻者故歌者于七部字尾亦必以鼻音收之以舌抵齶

者為商音

每讀字訖必以舌抵齶曰商音此惟真文元寒刪先六部字有之他皆不然故歌者

于此六部字亦必以齶音收之懸舌而嚮齶為角音

謂以舌居中懸之向齶而不一

抵及為角音此在韻中為魚虞蕭肴豪歌麻尤八部中字他部無有故歌者于八部字尾亦必以舌音收

之衝唇接齒為徵音

讀字訖舌離齒而近則去齶矣為徵音此在韻中為支微齊佳

灰五部中字故歌者于此部字尾亦必以齒音收之

闔唇為羽音

謂讀字訖一合唇也為羽



音此為侵覃鹽咸四部中字故歌  
者于此部字尾亦必以闔唇收之

五聲訣

寧府樂錄有五聲圖訣今其圖已亡第記其訣于

此以備參考

宮

六工尺上四

乙凡不用

要識宮曲一清三濁

羽

徵角商宮  
清清清清

卑不踰尺高不越腹

商

乙六凡工上

尺四不用

商之所記兩濁兩清

羽

徵角商宮  
清清清清

下從火立上用金成

角

上四六凡尺

工乙不用

何以為角三清一濁

羽徵角商宮

清清清清

物作下止民乃上觸

徵

尺乙四六工

凡上不用

徵聲最激全有四清

羽徵角商宮

清清清清

宮懸甫接徵招可聽

五調以宮調為主宮調之中聲則四字也宮四而下

有羽徵角三聲

即六工尺

宮四而上有商角徵羽四聲

即上

尺工六

合此九聲以為宮調

合本四二聲為九聲

則凡聽其歌其

聲之最卑者不踰尺字其最高者不越仞字即為宮

調蓋下尺者工尺之尺即角尺也上腹者腹為中聲

宮四中聲也繼此而商調則為下徵上商之九聲徵  
為火故火立商為金故金成也又繼此而為角調則  
為下羽上角之九聲羽為物角為民則為物止而民  
觸羽者止也角者觸也又繼此而為徵調則為下宮  
上徵之九聲宮懸即宮徵招即徵也

唐五調  
笛字譜

此明寧王曜仙所纂唐樂笛字譜也今祇存宮

調曲一首商調曲半首樂苑曰嘆疆場宮調曲也又  
曰大酺樂商調曲故所譜者即此二詩字

宮調曲開上尺道工六工尺上行工四入六工四  
至工四六工尺粧工六梳工尺對六四鏡四工工  
尺臺四上尺上四六涸四尺上四痕六工六四猶  
上尺尺未尺工尺上四減工四四六工尺尺笑工  
六工臉六工六四自四尺上上四然尺工六工工  
工開尺

商調曲涸上六滴尺上珠四六工難工六四畫上  
尺上四客尺工六工殘尺工六五工四六易四仕  
四六四銷  
六四六工

此皆宮調笛字也以宮調合宮調曲謂之宮之宮黃  
鐘之宮以宮調合商調曲謂之宮之商黃鐘之商益  
宮調以四字為宮聲上字為商聲上首次句最高字

是鏡字不過及仞字而止即是宮調次首首句泪滴  
用低上字次句易字用高仕字至高至低無非以上  
字掣調即為商調此雖遍易七調而其為宮為商總  
如是者調有變而宮與商不變也先臣嘗謂樂錄有  
思歸樂亦商調曲註曰後一曲犯角則以後曲次句  
有三江雁亦稀五字連用三江二高陰字而以雁之  
陽字接之則其字已入高尺字內非商調矣以此比  
較則思過半耳

唐桂華  
曲笛字

先臣曰幼時聽先司馬臣唱桂華曲笛字譜云

王新建籍寧府時得之所俘老樂工者其二三四句  
譜字尚存但無首一句耳按白樂天集有聽都子歌  
是聽歌桂花曲者其詩云都子新歌有性靈一聲格  
轉已堪聽更聽唱到嫦娥字猶有樊家舊典型此即  
唱法其云一聲格轉者以其唱試問二字是高字已  
及領調字矣故轉到嫦娥字當如矩然折方而下所  
謂格轉也此即樂記所云倨中矩者也又有聽唱桂

華曲詩桂花詞意慢丁寧唱到嫦娥醉復醒所云詞  
意丁寧者以歌時多頓折如丁寧然然感人處仍在  
唱到嫦娥字故又云唱到嫦娥醉復醒此亦最善道  
唱法者但一三四曲譜字又以口授不復存今祇存  
第二句矣其譜字與宮商二調曲譜字尚有可疑處  
已經訂正因附載于此

桂花曲正宮調譜字遙知天上桂花孤譜字亡試  
工尺間牙六工工尺牙尺四六工嫦娥四上尺四  
四四六娥牙六四工工肖尺上四要上上上四牙  
四上四六四工工工尺無牙尺工工工尺月中亦

有閒田地何不中央種兩株譜  
字亡按譜字傍才是拍字

古樂府節解譜漢魏樂府每為晉宋間宴饗所奏則略改原文

分章別節如豔歌何嘗行東西門行諸曲分註節解  
曰一解曰二解且曰右一曲某樂所奏至今可考也  
先司馬臣曰幼嘗聽寧府樂工歌孤兒行是以唐人  
歌法歌漢魏樂府者然亦分節解更註散拍一如金  
元曲子其悽惻宛轉聽之迥然起倫常之感始知金  
元曲子凡一切歌法皆仿隋唐惜其笙笛色譜皆未



傳也但舊本尚有節解散拍明註詞下今特錄存其概以俟後之審聲者取鑒焉

孤兒行曲節解序譜

孤兒生孤兒遇生命獨當苦散序按此三句如今

引曲然散序者散行無板曲也

孤兒命當苦父母在時乘堅車駕駟馬父母已去

兄嫂使我行估南行九江東到齊與魯臘月來歸

又誰敢自言苦拍序一拍按此十句即今之過曲

以有板謂之拍序一拍者拍序之一猶胡笳十八

拍以一拍始也後倣此

孤兒苦頭多蟣虱面目多塵土大兄教辦飯大嫂

教你且好飼馬上高堂隨取鞭箠下堂教孤兒泪

下一如雨二拍按此八句與今前腔同

嘆我朝行汲暮來歸首無韜髮足無扉愴愴履霜

多簇蓼拔斷此簇蓼腸肉中悵悵自悲泪漂漂涕  
累累冬無複襦夏又無單衣三拍按此十句另變  
一韻與今換頭前腔同  
居生不樂不如早下去從地下黃泉掣拍拍止按  
此二句又去拍為掣拍拍止者謂前慢板從此斷  
也

春氣動草萌芽三月蠶桑六月收瓜將是瓜車來  
到家瓜車反覆助我者少啗瓜者多促拍按此九  
句又起板漸入急調謂之促拍  
啗瓜者多願還我蒂兄嫂威嚴當持蒂歸與兄嫂  
按計長拍按此五句又轉入慢調然後作結以板  
慢曰長拍今曲名有長拍催拍推拍即促拍也  
里中一何諂諂但願寄尺書將與地下父母兄嫂  
難與久居散然按此四句與煞尾同以無板曰散  
然



皇言定聲錄卷七

欽定四庫全書

皇言定聲錄卷八

翰林院檢討毛奇齡撰

樂器第八

鐘石漢後重鐘律杜夔以金石定樂是也但金聲專一而

無變通欲以十二律長短分數作為鐘律則甚不合  
先臣曰方響同矩而不同聲水盞子同規而不同韻  
若同冶一鐘均照黃鐘十二觔或十四觔五兩銅齊

之數竝就模寫及治成而聲必不同况舊法黃鐘十  
四觔五兩以次漸減至應鐘而止則其厚薄大小必  
不能均而欲其聲之恰與律調得乎然則論鐘律者  
但當以聲求尺度不當以尺度求聲可知矣况乎尺  
度本不合也

鐘

以鐘鏞並言則大曰鏞小曰鐘以鐘鐸並言則大曰  
鐘小曰鐸鐸者編鐘也一名歌鐘編十二為一懸或  
編十六為一懸用以逐歌曲者其聲不同而其製則

一周禮鑄師註謂鑄如鐘而大謬矣宋慶厯間大安樂成所鑄黃鐘鑄每一重一百六觔容九斗九升皆從周禮註誤用之者若左傳國語韋昭杜預諸註皆曰鑄小鐘可驗也

有謂鑄大以領樂鐘中以節樂鑄小以倚樂則又有

互用者周有景鐘所以領樂

景大也

有笙鏞笙磬反所

以節樂

書笙鏞以間詩笙磬同音

惟歌鐘頌磬則皆倚聲之器不

他役耳笙鏞特懸歌鐘編懸故一名特鐘一名編鐘

笙磬頌磬亦然

呂氏春秋謂黃帝命伶倫鑄十二鐘和五音傳曰黃  
帝命伶倫與營援作十二鐘今十二鐘一簾是也七  
正五清共十二枚蓋古以十二律共作一簾而後世  
易以十二簾每簾十二枚皆一宮或黃鐘或太簇則  
失之瀆矣若編懸十六又是一法周禮鐘磬二八鄭  
註二八十六枚則明明有之特其二八則一是五聲  
加四清為歌用一是五聲加二變為調式合九與七



為十六世不曉四清用法謂十二律外又加四清故聚訟不決耳宋人必謂古無十六鐘磬謬矣按唐西涼部樂皆有編鐘磬與西涼方響一架皆十六枚然則喬樂亦尚有知其數者況隋唐宮懸其明明可按者原不乏也

諸鐘

爾雅鐘中者曰剽小者曰棧

蓋也

或云棧以象功之淺

者故晉人得鐘長三寸中徑四寸銘曰棧是也又許慎曰鑄鐸于之屬故黃池之會吳王親鳴鐘鼓鐸于

振鐸則如小鈴然可手攬之而洪容齋隨筆謂南齊益州刺史獻始興王鑑者有三尺九寸則儼然大鐘矣非是物也後樂器有將于不知與鐸于同異何若或曰似甕而倒懸之則亦其類焉耳

周禮鼓人掌六鼓四金之音聲以節樂四金者鐸鐃鐃鐸也舊註鐃即鉦又名丁寧又謂鐃亦鉦屬又謂鐃似鈴如釋氏浮漚有柄無舌鐸無柄有舌皆節樂之器予謂丁寧似鈴器小而聲清如釋氏浮漚然以

其聲丁丁寧寧故名若鐃則軍中常用之豈有如釋氏方寸指磬可以號令進止者古馬上之樂名鐃吹即橫吹似吹銅之器未必如鐃于但節樂者或名同而器異則未可知要其如浮漚則未必然耳

方響

方響一架十二枚與編懸同亦有十六枚者後周正樂載西涼清樂方響十六枚是也此雖非古器然以代鐘磬亦相協者舊以鐵為之亦名鐵響大略修八寸廣二寸其製不等

懸鐘

鐘磬二八向來誤認作十二律外又加四清故常疑其疊複不合後見寧王樂工所藏錄有古鐘模字中有𠂔𠂔用𠂔𠂔五字推求不得以為此必五聲複出作一簾而故避本字取其半字以為記者此必四清鐘字也一簾二八原有五聲在十二律內則四清所記當避本字向疑十二律四清為不合者今始知果有是也則又疑四清無羽聲何得又有𠂔字得非唐人所稱五清鐘乎然五清一為變宮清亦非羽清既

而悟二八之製蓋合七律九聲而為十六者且觀十二律圖有上下兩層上自右而左下自左而右註曰編懸次第如是因以九聲七聲分上下環列

見七調第四

則本清對接正變循次確然不易然則五半字者乃七聲之重字所以避九聲之正字者也樂律殘缺儒者考數而不知工師識聲而不傳故舊工散譜皆可尋索而惜乎其又亡也

其譜在順治三年下江東時燬于兵火

若其簾列先下格或先上格本無定制其先上者亦先臣記

樂錄中編懸先上層也

謂以黃鐘列上格起

漢服虔以十二鐘當十二辰更加七律一懸為十九鐘後周長孫紹合七律正倍為十四鐘梁武帝又加濁倍三七二十一鐘此皆在編懸之外最無理者

銅管

或云金不止鐘鏞之屬按周官太師掌六同同者銅也鄭註陽律以竹為管陰律以銅為管故樂錄吹部有大橫吹小橫吹俱是銅器先臣嘗曰古有鐵笛有銅笛即六銅管之製後人稍變其形為鐃歌鼓吹意

鐃即今灑捺所謂橫吹銅器者其註為鉦者另一器耳漢管寧鋤園得舊金管以鋤揮之金管即銅管晉武帝時張華荀勗校律出御府所藏尚有古今銅竹律二十五具西京雜記載秦咸陽宮有銅人十二各執一管以槌使之吹即銅簫也然則銅吹之製舊矣故晉書安帝紀桓元製龍角傳曰設角十二于鼓左右後列各六具以代金則意當時倣周制銅律十二管而以角代之故曰代金若後人所謂銅角為長鳴

為中鳴在馬上所用則又倣龍角之製而更變之者  
總之管之有金自古而然此即十二律本聲在虞書  
下管禮記管象之列非鼓吹物也

磬

八音亦偶然用八色耳漢後石聲不入樂晉破苻堅  
後始有四廟金石之樂嗣後取石于泗濱究竟不合  
唐以華原石代之白樂天樂府有華原磬詩然合樂  
者鮮故古亦云石聲難諧此雖具一音而不能用亦  
無如之何者大要古初地狹南方多未通故但取給



泗濱今南方石多有聲者隨地取給無所不可但以聲為主不在備物斯為得之

諸磬

禮記郊特牲有玉磬春秋臧文仲以玉磬如齊皆樂

中器書之天球在東序即是物也隋蘓夔能造玉磬唐制宗廟殿廷用玉磬或云雲璈即玉磬名今易以銅名雲鑼舊用十三枚今用九枚名九雲鑼此即破編磬之十六而為九聲者耳雖今製實古器也

特磬大而特擊非編懸也頌磬即編磬亦十六枚與

鐘同漢成帝時益州犍為郡于水濱得古磬十六枚  
即是其數

簫簫笛  
荒管

聲無古今器亦無古今房庶曰誠使知音者由

今之器寄古之聲詎非治世之音乎顧音以竹為始  
黃帝造樂伐竹吹之蓋古人呼管作律十二管即十  
二律陳氏樂書曰樂以木為末以竹為本又曰管所  
以和衆樂以其探本故也

韓邦奇謂八音之數惟  
絲為自然其說頗繆

但

說者不識簫笛所起疑是近製不知簫韶下管虞書

有之執籥吹箎周詩具在故周官笙師掌教吹簫簫  
箎遂管所謂簫即太常單簫也簫者排簫即簞簫笑  
簫也遂即笛也橫笛之變形謂之箎管即頭管也則  
是簫簫箎笛管五者皆三古樂器祇今之所為簫者  
古不名簫而名簫遂謂簫必排簫今之所為簫者當  
名為簫不知簫即簫耳且排簫亦即單簫而連比之  
者舊稱韶簫為十二律之本舜所製者每一管具七  
聲十二管即八十四聲十二人各執一管以長短為

序竝立各奏一均漢儒不知竟聯之一處後世求其聲而不得乃為二十四管一管止具一聲信此則排簫者仍是今所用之簫而聯比之今太常中和簫其製如今簫十六而排吹之是也夫排簫之製雖古然全不適用

先臣嘗曰如每管六孔排之則指不給按若每管無孔排之則唇不給吹故樂

統亦曰排簫非善器以之取聲則不圓以之換宮則不準以之倚歌則不浹此但多其製以存美備而實未嘗用者若笛與簫同而樹則為簫排即為簫橫即

為笛稍變則為篴為管實即一器古有長笛短笛漢  
笛長尺圍寸唐制尺八寸取倍黃鐘九寸之說此是  
常度而古有豎笛晉有黃鐘笛長三尺八寸此即長  
笛又有雅笛手笛長九寸或即短笛第笛孔相距全  
規短長為分寸若三尺八寸則孔距遼絕布指難接  
而九寸之管童捉豎捏難以取韻故蔡邕十二笛晉  
十二箱笛皆以十二律長短為度甚不足據總是今  
之簫笛全合古法但守恒規不尚新變至于簫色笛

色工上尺一古名今譜彼此互異則第認笛穴不認

笛色畢皆參呼為畢參皆無不可耳

舊笛色譜云自上而下第一孔

為宮第二孔變宮第三孔羽第四孔徵第五孔變徵

笛體中角最上後出孔商

又譜云笛無長短自下

而上笛體中黃鐘宮也第一孔大呂太簇商也第二孔夾鐘姑洗正角第三孔仲呂蕤賓清角變徵也第四孔林鐘正徵第五孔夷則南呂羽第六孔無射應

鐘變宮其哨聲黃鐘半律清宮也

按黃鐘清聲不

名哨聲笛色六孔外亦無哨聲之謂

先臣曰舊以簫笛六孔無十二律每孔該二律如太

簇蕪大呂姑洗蕪夾鐘類此大不合若謂蕪音之法

在吹氣之緩急口脣之俯仰吹正脣正則得本音吹  
緩脣俯則兼濁音吹急脣仰則兼清音則萬一曼聲  
而需清音其吹反急趨聲而需濁音其吹反緩此尤  
大繆之論不足據者且其所謂俯仰緩急間毫釐進  
退實皆影響髣髴絕無可憑之事而欲明明白白分  
作三音何其誕也

編簫二十一管取七音而三倍之唐後有讌樂簫皆  
同此數而爾雅謂二十二管曰箏十六管曰箎

編簫  
大曰

管小蔡邕郭璞俱云大簫二十三管小簫十六管其

管數寡多全無一定至若簫管簾笛穴空之數宜有

成式而從來相傳者言人人殊將何取正如簫爾雅

曰三孔

簫如笛而三孔小者曰簫

毛萇註詩曰六孔廣雅曰七孔

大曰簾中曰仲小曰簫

如管說文曰六孔廣雅曰八孔蔡邕月

令章句曰有孔無底爾雅曰有底如笛杜子春謂五

孔陳氏樂書謂七孔如簾爾雅云一孔上出

大簾謂之沂以

竹為之一孔上出寸三分名曰翹橫吹之

廣雅云八孔蔡邕云六孔有距



一云有鄭康成云七孔陳氏樂書曰簫者先儒有六底之笛  
孔七孔八孔十孔之說

雙笛

雙笛一名羌笛四孔京房加一孔于後共五孔以備五聲之用此漢武時丘仲所作見馬融長笛賦及應劭風俗通或云即今笛非也

簾簾

簾簾笳首而竹身九孔舊以為即管非也遼金樂部有雙簾簾桃皮簾簾皆舊器

律管

唐樂圖所傳有十八管取五聲四清為九聲而倍之

其聲通黃鐘林鐘二均相傳為梁部所用雖其製不可考然尚曉五聲四清為九聲即此一節已可為告朔一餽羊耳

律管無孔或云當如簫然第剗其脣以被吹已耳而蔡元定作律管圖各施七孔于其間謬矣凡管無孔則高下有等一為孔穴則聲之高下反不大遠以孔寸為主耳此皆不經體驗而徒見之紙上者況無射應鐘皆四寸零以四寸之管而施七孔何荒唐也

笙  
竽 笙與竽皆匏而其製則一雖有大笙小笙大竽小竽

和笙簞笙十三簧

即和

十七簧

即今太常所用笙

十九簧

即簞

三

十六簧之別

即竽

而總名之曰笙又有十七管竽十九

管竽隨時變製無大同異特簧管過多便不適用與

簫笛同蓋今世所用笙即是古笙況周官笙師所吹

五器簫籥笛簨管至今未變琴瑟皆然然則今之樂

器亦何一非古器而雅聲闕然信乎樂之亡乃聲亡

非器亡也

簧  
史記女媧之笙簧似簧亦笙名舊稱大笙謂之簧是  
也惟鹿鳴吹笙鼓簧指笙中之簧言吹笙則簧動耳  
其他凡單言簧者皆笙名  
如左執  
簧類  
竹簧即是其類

琴瑟  
琴瑟皆倚歌之器與箏簫琵琶絃鞀用同今以其繁

重故減而為四絃

今阮越  
琵琶類

為三絃

即絃鞀舊器而新  
為改製名三絃子

為二絃

今提琴  
類

實則一也自隋唐以後不解琴瑟合

樂于是道家者流創為高坐空彈之法反云琴調以

無字為貴失其本矣先臣曰此鍊師尊師之事古人

無是也

古操弄吟引皆一人坐彈然皆有曲如倚蘭龜山類且口吟手彈或一人吟一人彈無空

彈者若云無字則比之叭喇鏡角亦有曲類全非絲聲矣即叭喇鏡角亦有曲

古有大琴用二十絃大瑟用五十絃此皆指繁不適用徒備觀者惟十二絃琴十三絃瑟謂可應十二律之數間亦用之但琴嫌太煩瑟嫌太簡且琴與瑟與箏何所分別舊說黃帝造瑟五十絃使素女鼓之而悲因破其半為二十五絃則荒唐叵信天下無絲少

而歡絲多而悲者惟蒙恬破瑟作箏為十三絃則容  
有然耳若舊謂琴七絃為七聲十三暉為十二律即  
又非是琴絃七聲原只五聲六與七即一二之清聲  
也十三暉亦非十二音泛則上下複出按則五聲相  
周但以諸絃相應處分之作判節耳瑟則每一絃具  
一律與鐘磬等外十二絃具十二正律內即十二清  
聲也如舊譜第一絃黃鐘中第十四絃黃鐘清第二  
絃大呂中第十五絃大呂清第三絃太簇中第十六

絃太簇清類

舊說宮聲極大而沈屬土以八十一絲為絃則其聲  
應商聲次大屬金以七十二絲為絃則其聲應角聲  
半清半濁屬木以六十四絲為絃則其聲應徵聲次  
清屬火以五十六絲為絃則其聲應羽聲極細屬水  
以四十八絲為絃則其聲應其絲數照史記五聲之  
數與杜氏通典所記五聲大小之次相同祇徵數五  
十四此為五十六絲不合且絲數多寡難以定律燥

濕強弱何所準據若謂必八十一絲而宮聲始應非此即不應則歌聲偶高而犯商為商之宮偶低而犯羽為羽之宮此正旋宮之法將謂非其數而不應乎抑否乎此孺說也

雜

豎箏篴卧箏篴大琵琶小琵琶二絃琵琶八絃琵琶

十二絃箏十三絃箏十二絃筑十三絃筑皆列代樂器之可用者

塤  
樂記土曰塤即壘也其位在北而坎音於是為冬至



為黃鐘之宮所謂堦陽氣于黃泉之下者則塤固音之始也

世祖皇帝曾改塤稍大而正其穴此開樂之始竹者中氣也陽氣中發于時為春于卦為震正景運盛開之際我

皇上曾示樂工以高字而正其音此成樂之盛第

世祖皇帝所改塤器嘗入太常竊觀之而忘其為製大抵塤有六穴所以應六律出中聲而宋太樂舊塤有

七孔上下皆圓髹之以應七音又景祐馮元樂記云  
太樂塤八孔上一前五後二則豈六穴者除吹口一  
穴為五聲八穴者除吹口一穴為七音而七穴則連  
吹口為數者耶若穴位舊註云上一前二後三韜以  
黃囊為登歌之樂而明代樂部註上一吹竅前三後  
二則于按指為稍便意舊註或誤耳

水盞元有水盞子以銅為之凡十有二而拊以鐵筋此改  
土為銅者水盞子為隋後樂器

拊  
拊韋表而糠裏

謂中實以糠

白虎通謂革而糠革與韋皆

皮也或曰革是麻用以為拊不知所據此登歌之器

故虞書搏拊琴瑟同列堂上而蔡沈陋劣謂手擊琴

瑟之稱則周禮所謂登歌令奏擊拊者是何物耶

明堂

位有搏拊名荀卿曰架一鐘而尚拊大戴禮曰架一磬而尚拊拊之為器其來舊矣

鼓

儀禮有建鼓明堂位曰楹鼓即建鼓也以樹一楹而

貫鼓于其端故又名樹鼓又周禮建路鼓于寢門之

外則又名路鼓皆是物

夏后氏足鼓則以鼓而加四足者周官有懸鼓則懸而擊之又有朔鼓應鼓在懸鼓之側則皆小鼓帶擊以節樂者又鼗鼓鼗鼓皆節樂之器然鼗鼓小鼓

兩耳

自擊有柄鼗鼓大鼓

諸鼓若雷鼓八面靈鼓六面路鼓四面則其製已不可考

至後世樂部有毛員雞婁答臘三杖都曇諸名皆唐樂部有之唯金鞀小鼓花鞀梢子鼓則元樂所有而明代亦習用之者然不詳其製獨雞婁鼓譜明寧府

樂工有傳之者謂其製圓長如甕兩面受皮處甚窄以紅絲繩繫左腋間左手持小鞞如甌與右手手指反背衝擊而帶搏雞婁兩面以錯聲其間其聲有節其搏有度今其譜亡

祝祝敔一名控楬祝以起樂敔以止樂歷代皆襲用之

又周禮有春牘應雅則節樂之器春牘者以竹築地作聲應雅與祝同如漆筩而中搖以椎可節樂者蓋小器曰應應雅之應祝猶應棘之應鼓也一曰春牘

二器應雅亦二器皆相類者

拍唐樂然故適用此皆無關繫者雖古今參用之皆

可也

歷代定樂

古樂在春秋時已無傳者西漢定樂祇用樂府令

夏侯寬備簫管之數協律郎李延年造新聲皆非儒

臣有學識者

時司馬相如叔孫通輩皆校定樂章不解聲律

祇一司馬遷能

言律數而毫無補于當時之樂則夫律數之不足恃

亦可驗矣

太史典歷數之事此是其職掌故但以歷言律而今之言樂者動本律書所以滋誤

暨漢元以郎中京房自稱識聲使韋元成問之而房

之所受係小黃令焦延壽易數之學通易于律

與司馬遷

通歷于律同

專以五聲推六十律合之八卦推六十四卦

之法而終不可用然而後世之展轉沿錯相尋致誤者則惟遷房二人之學居多焉後漢建武中耿弇罷益州傳送公孫述瞽師及法物至京瞽師知考擊而不能為言至魏武平荊州獲漢雅樂郎杜夔素善八音又有散騎郎鄧靜尹商舞師馮肅皆善調雅樂歌

詞魏武使之鑄鐘律當時鑄工柴玉稱善鑄而夔訾其不如法至自為鑄造及晉武時有儒臣荀勗張華通音律譏夔所造鐘不合然而勗所詣者則仍房學也首復六十律之製截笛穿穴以為神解至明帝時詔阮咸損益之咸亦儒臣譏其律太高高則哀思不協中和益以十二笛笛穴五音以為之聲雖其中多複聲未必一笛全高于一笛之上然而聲必峻勢固然也乃咸亦未能確然知六十律之謬但以為高而



不知其所以變暨東晉武帝破苻堅獲其樂工楊勗等閑習舊樂于是備四廂金石之器改撰歌詩而金石不諧因欲改器以就聲而器不可改當其時六十律之製未嘗亡也後魏太武帝破赫連昌獲古雅樂器及平涼州破沮渠氏得其伶人器服但存樂署而無所用至孝明時江左陳仲孺奔魏自言能依京房立準以調八音復六十律之製又以琴調均樂器謂清調以商為主平調以角為主

清調平調瑟調為三調

膠音節

律傳會無實廷臣蕭寶寅等爭闢之至廢帝時詔尚書長孫稚太常卿祖瑩理金石則專司算數之事而樂聲亡矣隋文帝開皇初有志復舊以秘書監牛弘祕書丞姚察太子洗馬蘓夔沛國公鄭譯樂工萬寶常輩共正樂律時不解七律不識十二宮彼此爭執鄭譯欲復七律則反增一律曰八律牛弘欲定十二宮則反盡棄十一宮而獨守黃鐘宮曰一宮以致累黍不就候氣不就及問萬寶常則仍欲復六十律之

製推至三百五十律一千八聲而猶不肯已其可笑

如此唐承隋之舊其于雅樂則仍守黃鐘一宮而間

用俗樂齋樂為三部伎然而律呂之事浸衰焉

文宗朝馮

定等定樂仍襲開元法曲至肅宗時有山東魏延至請定十二律太常以漢律考之黃鐘乃太簇也

至

若趙宋儒臣初用王朴律致誤而自景龍以至慶歷

其間言樂之儒紛紛而起如和峴李照胡瑗阮逸鄧

保信房庶范鎮司馬光劉几楊傑等或除四清或去

二變或改尺籥

阮逸以大黍累尺小黍實籥自戾或本法房庶更易累黍之法為量黍

改聲律

房庶改變徵為變羽改變律為閏律

至于六十律之說則共遵

不變遂巡至崇寧政和方士妄言律用太少以致截

黃鐘倍半為三黃鐘律

時劉炳不肯用太少律而蔡攸不悅炳乃令樂工斷黃鐘

管一倍之一半之絃曰此太少律也攸不疑遂用三律大者一尺八寸小者四寸五分與九寸本律而三而終不之悟遂至聲音歇絕延及南渡數百年間無

言樂者而蔡元定以隱居竊議樂律宜鑒前車自漢後迄今算律製器之謬與夫六十律三百五十律之誤而乃勦襲舊說算管辨尺備核遷術力推房學而

樂終以亡元祖初年用河西高智夏言徵用西夏舊  
樂及收燕京得金朝掌樂許政及翟剛等九十二人  
此皆不能言律呂者若明代儒臣並鮮學術凡摭撫  
言事率皆空虛剽竊了無實濟當太祖初改元時有  
學士朱升者稍知掌故上使之典樂而未審也偶上  
擊石時問升何音升以徵音對實宮音也上詰之升  
無以應而起居注熊鼎曰石聲難和是以難知上曰  
石聲固難和然樂以人聲為主未有人聲和而八音

猶未和者因令樂工登歌一曲復嘆曰古作樂以格  
神人和上下而近代儒者茫然不解聲律為何等何  
以言樂鼎進曰樂音不在外求實在人君之一心君  
心和則天地之氣亦和而樂無不和矣夫以古樂淪  
亡之際人聲不講之時獨有明君焉以人聲為作樂  
之本而流連嘆息使為之臣者有倫夔于此進而考  
聲音析宮徵則古樂何難驟復而乃以君心數語文  
其固陋讀史至此未嘗不嘆于明代之臣之無學也

其後嘉靖間世宗欲復古樂大學士夏言薦太僕丞  
張鶚定樂時尚書韓邦奇自言知音其說一本之律  
呂新書因作律呂直解主事楊繼盛師事之然樂卒  
不明其言皆舊儒剩法不可施于用然則古樂之亡  
自春秋迄明其難復也如此今幸遭遇良時躬逢  
神聖古樂之興端在此日向曾竊製樂章妄附樂議祇  
校訂篇什而未嘗一及歌詠之法至于太常考擊徒  
習故常尚未經

聖人親為正定依永和聲猶似有待何期

皇言頓啓蘊奧盡發真所謂開天地之房通神明之秘  
者將見古樂淪亡自春秋迄明千年長夜而一旦盡  
舉而振豁之咸韶之復于是乎在矣臣自幼失學百  
凡疏劣獨于此樂律之微少有師承因為闡

皇言而記之如此若夫神明其事則在

廷左右不乏倫夔臣又何能贊一詞焉

王言定聲錄卷八